

嘉興府志卷二十五

嘉興府知府 伊湯安 重輯

倉儲

李瀚屯田頌謂嘉禾在全吳之壤最腴故嘉禾一穰江淮為之康嘉禾一歉江淮為之儉是則下下塗泥在唐益成沃土逮吳越專享其利固貴有治人也我

國朝於儲蓄事宜講求尤極精詳預備常平諸制補助宏多又令各縣增厥積穀以裕民天則廩人所掌胥關至計庶幾餘糧棲畝益表禾興之盛矣志倉儲

唐元和六年制諸道州府有少糧種處委所在官長用常

嘉興府志

卷二十五

倉儲

平義倉米借貸淮南浙西宣歙等道

舊唐書食貨志

宋景德三年詔兩浙各置常平倉

文獻通考

乾道七年提舉浙西常平李結乞以見管營田撥歸本司

同常平田立官莊梁克家亦言戶部營田率為有力者下價取之稅入甚微不如置官莊歲可得五十萬斛

續資

治通鑑

明正統五年正月令六部都察院推選屬官領勅分詣兩

畿各省府州縣立預備倉發所在庫銀糴糧儲之軍民

中有能出粟以佐官者授以散官旌其門

續文獻通考案是年慎

簡臣僚條畫事宜分詣各道經理命重臣廉敏者為佐刑部郎中劉廣衡來浙偕右布政使方廷玉按察副使





王豫按行嘉興郡邑勸導輸助各縣得穀自四萬餘至一萬數千石有差建倉分貯名亦不同並刊碑記詳各倉下嘉靖初諭德顧鼎臣乞急復預備倉糧以裕民乃令有司設法多積米穀府積萬石州四五千石縣二三千石既又定十里以下萬五千石累而上之八百里以下至十九萬石

明史食貨志

案郡屬各縣明萬歷二十四五年均建四鎮常平倉二十六七年分

建各社倉於鄉約所詳各倉下

### 國朝事例

康熙四十九年浙江巡撫黃秉中疏請照江南開例捐監積貯杭嘉湖各捐米十萬石或穀二十萬石客米來浙路遠價亦稍貴捐納數目應量爲酌減部議題準如例

### 嘉興府志

#### 卷二十五

倉儲

二

不允減價 六十年十二月戶部覆準將浙江六十一

年起運六十年分杭嘉湖三府屬應徵漕糧內均派截

畱二十萬石分發各府收貯 六十一年浙江巡撫屠

沂疏稱浙省屢被災荒捐穀不敷賑濟截畱漕米儘數

動賑復動新漕請照河工捐例米石數目無論外省本

省俱準於杭州永濟倉捐納補足後分別州縣於常平

倉收捐備賑將杭嘉湖三府各收十萬石之數撥補滿

足部議覆準 雍正四年覆準浙江杭嘉湖等府動司

庫銀十萬兩買穀分貯 八年署浙江布政司糧道朱

倫瀚詳定通省州縣現在存倉穀石案大中小三等計



算大縣三十縣查現貯穀自一萬餘石至一萬四千餘石中縣計三十四縣現貯穀自一萬至一萬一二千餘石小縣計十一縣現貯穀自七八千至一萬餘石均計存倉多寡不甚相懸積貯亦未爲足備應動支銀二十萬餘兩分別大中小三等均勻分派給領買貯大縣每縣添派貯穀八千石中州縣每縣添派貯穀五千三百石小縣每縣添派貯穀二千八百五十石至於各屬所需建造倉廩應照上年之例每間準動銀二十兩如杭嘉湖紹四府不產木植者每間貯穀五百石

雍正五年浙江巡撫李衛題稱杭嘉湖三府產米不敷民

食向藉外省之米接濟上年動銀十萬赴川買米運浙以備平糶三府屬冬春雨水過多米價稍昂川米到時分發杭嘉湖三府減價平糶城鄉市鎮偏僻地方無不周徧惟是浙省向食客米若官米充足則民米價高發出減糶如民米平賤卽行收貯以備不時糶賣今再請於糶米歸款銀內借動五萬兩仍赴購米以爲儲蓄之備部議覆準 十一年浙江道監察御史翁藻奏稱浙西杭嘉湖等府地狹人稠藉商販接濟偶遇客米稀少價值頓昂若得多貯官米備糶庶可平市價而裕民食請每年於秋成前視年歲之豐歉酌定米數多寡預行



題明借動庫項遴員於湖廣等省採買分貯一值價昂  
卽減價平糶較之買價應有盈餘如遞年發糶積有盈  
餘銀兩遇歉歲減價糶賣卽以盈餘抵補所減價值部  
議覆準仍將採買及平糶價值每年於歲底分晰造冊  
報部

雍正十一年五月初九日欽奉

上諭各省州縣設立社倉原以便民濟用若遇應行借給之時  
該州縣官一面申詳上司一面卽速舉行方可以濟閭閻之  
緩急必待督撫咨請部示而後准行往返動經數月小民懸  
待維艱仍不免重利告貸之苦着該督李衛酌量定例變通

嘉興府志

卷二十五

倉儲

四

辦理咨部存案嗣後遵照施行欽此

以上浙江通志

乾隆八年題準浙江各屬買貯倉穀如糶三糶四尙有存  
七存六又經糶三糶四尙有存四存二於年終盤察時  
照存貯一年二年例開報氣頭厰底三年全數出糶無  
庸開報第一年氣頭穀三合厰底一合開報四合第二  
年氣頭六合厰底二合開報八合共開報穀一升二合  
年終報部察覈 十一年覆準氣頭厰底穀浙省之例  
九成八成者每石減價銀七分七成六成者減一錢五  
成者減一錢四分委官勘明發賣造冊報部察覈  
乾隆八年覆準浙江撥運倉糧陸路每石每里七毫險路



一釐五毫水運官塘大河每石每十里一釐小港淺窄處每石每十里一釐五毫

以上會典則例

嘉慶四年八月二十一日欽奉

上諭社倉原係本地殷實之戶好義捐輸以備借給貧民之用近來官爲經理大半皆藉挪移日久並不歸款設有存餘管理之首士與胥吏亦得從中盜賣倘遇歉歲顆粒全無以致殷實之戶不樂捐輸老成之首士不願承辦是向來良法徒爲官吏侵肥亦應一律查禁並着各該督撫等將各省社倉仍聽本地殷實富戶擇其謹厚者自行辦理不必官吏經手以杜弊竇而裕民食各該督撫務須董飭

嘉興府志

卷二十五

倉儲

五

所屬實力奉行如有前項弊端卽行據實參奏倘仍視爲具文復蹈前轍一經訪聞或被科道參奏必將該督撫重治其罪將此通諭知之欽此 五年七月二十二日准戶

部咨行浙江司准陝西司據陝西巡撫咨據布政司呈稱查社倉米石原係本地殷實之戶好義捐輸以備借給貧民之用查乾隆三十七年以前本係民間專司管鑰其每年出納則由地方官經手凡遇新舊交代以及年底題報案內取結豁免今因奉准部議欽奉

諭旨依議並通飭各省一體遵照辦理在案茲奉

上諭令將各省社倉仍聽本地殷實富戶擇其謹厚者自行



辦理不必官吏經手以杜弊竇而裕民食等因遵查各屬社倉乾隆三十七年以前雖係民間自行管理惟查社長中賢否不一倘有刁劣之徒藉此侵蝕地方官不能稽查日積月累米石悉被侵虧勢必致徒有社倉之名與小民仍無實濟應請嗣後令社長於每年歲底將出入貯欠數目造冊結報一次地方官轉報上司查考毋庸造冊報部以歸簡易並嚴飭地方官嗣後毋許差役催查其出納一切聽民自便如此分別辦理則官吏不得侵肥索擾而社長亦無虧那之弊矣並請卽自嘉慶五年爲始遵照辦理理合詳請察核咨部等情前來

嘉興府志

卷二十五

倉儲

六

查與仍聽民間自行辦理不必官吏經手以杜弊竇之諭旨亦屬相符應如所咨辦理惟查此項社穀旣令社長每年歲底申報自應仍行造冊報部以便查核

新纂

倉廩

嘉興縣

常平倉五所 一在接官亭 一在王店鎮 一在新豐 一在

鍾帶 一在新行

浙江通志

明萬歷中知縣陳儒建

嘉興湯志 明朱廷

益記略我朝稽古定制各郡邑創立預備倉宛然常平遺法奈木久而蠹法久而姦非吏胥之乾沒卽典守之侵漁甚至豪有力者乘機捏名以賤得之官而仍以重價售之民窮民不沾顆粒之惠當事者仰屋歎之矣吾嘉令陳公市下車卽銳精吏事計爲嘉民永利會守道海州張公巡道江州湯公下檄所司建常平倉以備非



常吾郡侯莒川曹公同心勤恤率作彌殷公躍然曰救  
 疲郵匱制變禦災此一時也爰考訊其阜相度其地涖  
 於邑者濱南則王店濱東則新豐濱東北則鍾帶濱東  
 南則新行茲四鎮者號水陸之孔道輻輳之通衢於茲  
 鼎建倉廩則遠邇可恃無恐又察其故址可仍者聖飾  
 仍之民基可易者平價易之不踰月而鳩飾大具規制  
 聿新雖然典守非人則侵盜莫詰而五合六聚之衆且  
 據以為資經制無術非拘牽而積於無用即紛更而反  
 以滋擾查覈不精則收散之際易開奸竇甚則豪猾借  
 窮民囊橐其間而嗷嗷待哺者毫不沾實惠故夫選擇  
 廉智以嚴其防守斟酌經權以時其散斂躬親覈實以  
 革其借冒乃所以平也通志載張朝瑞常平倉議曰  
 洪武初合州縣各立預備四倉官為糴穀收貯以備賑  
 濟就責本地篤實人民管理次災則賑糴其費小極災  
 則賑濟其費大賑糴則常平法也歲久法湮各州縣僅  
 存城內預備一倉其鄉社倉盡廢夫天災流行國家代  
 有常平倉斷乎當復者議令各屬縣於四鄉水陸通達  
 人煙輳集高阜去處官為各立倉一所每歲將贖錢之  
 半糴穀入倉或查無碍官銀隨宜糴買大約每鄉一倉  
 上縣糴五千石中縣四千石小縣三千石但不許逼抑

科擾平民各擇近倉盈實居民二名掌管免其雜差准  
 其開耗凡收糴俱該縣掌印官監督或遇歲饑管倉人  
 役稟官監糴中饑半糴大饑全糴俱照原糴價銀出糴  
 或寧減之大約減荒年市價三分之一庶不至騰踊或  
 倉穀糴盡而民饑未已合持所糴穀本赴有收地方循  
 環糴糶四鄉糶完即將穀價送官秋成委糶仍總計糶  
 穀牙耗等費每石銀若干報官貯冊以為日後出糶張  
 本蓋社倉之法立則以時斂散富者不得取重息而貧  
 民需惠於一歲之中常平之法行則減價糶賣富者不  
 得騰高價而貧民受賜於數十年後大饑之日昔蘇文  
 忠公在浙行荒政只用出糶常平米一事更無餘策夫  
 城內之預備倉以待賑濟然有出無收其費甚鉅四鄉  
 之社倉以待斂散然易散難斂其弊頗多惟常平倉者  
 其法專主糶糶而糶本常存蓋不費之惠誠救荒良策  
 也今在縣治後碧漪坊

國朝乾隆二十一年知縣張元文請建廩房四十八間中為

官廳前大門實貯穀五萬二千八百八十五石零

新纂



嘉興倉

至元志載錄事司下

在故寶花寺

浙江通志

府西南三百一十

步舊尼寺廢址明吳元年設在織染局上為宋元舊倉

基洪武二年移此

柳志

知府謝節建皆呼為寶花倉

趙圖記

軍倉 舊名外三倉洪武初名大有倉三十年併入嘉興

倉

浙江通志

案軍倉隸府見柳志外三倉元時倉見至元志

子粒倉 在軍倉西

浙江通志

乃元時安養院基永樂初併軍

士屯種而建

柳志

濟眾倉 在郡城內西南一里

柳志

舊名花園倉今併入

預備倉明正統中員外劉廣衡建

趙圖記

明黃淮記

鄉里之委積以恤民之艱阨縣都之委積以備凶荒漢置常平隋唐宋又益之以社倉義倉立名雖殊而備荒

嘉興府志

卷二十五

倉儲

八

之政則一也我太祖遠倣周制立倉聚穀於各鄉命鄉老掌之以時斂散惠及於民也大矣歷歲滋久姦弊迭出馴致廢弛皇上重念民食之艱宵旰靡寧追惟祖宗成法慎簡廷臣條畫事宜分詣各道以經理之仍命藩憲重臣之廉敏者以為之佐刑部署郎中事員外郎劉廣衡勅往浙江借右布政使方廷玉按察副使王豫協修預備之政俾得便宜行事務使宿蠹蠲除而民受實惠按行至嘉興宜揚德意仍召區里之長及鄉之耆艾羣聚於庭諄切訓飭益加詳焉邑中閭右之家懷榮等仰聆玉音感激奮厲各願輸穀於官未兼旬得穀四萬七百餘石勅使同藩憲重其民之効義也勞以酒果榮以綵繪翼日具名以開命有司鳩工庀材構倉總二十二楹以備儲蓄欽遵勅旨選忠厚公正耆民及殷富淳良之家嚴局鋪慎守護兼知出入之數府委推官王貞縣委縣丞張璉總其散斂之政申明戒約委曲詳備大要以絕私無擾為本里社細民皆歡欣仰戴聖恩生成之賜也郡縣樂事之有成太守黃懋遣儒生致書謁辭勒石以勸勵將來用圖永久其義民姓名具列碑陰庶使觀者視儆後日有繼也



預備濟眾倉 在鍾秀坊天寧寺東 浙江通志 中曰修備堂左

右翼房 額曰社學 東倉 額曰預備 西倉 額曰濟眾 前大門榜曰嘉興縣

預備濟眾倉萬歷二十六年知縣鄭振先建 嘉興湯志 明沈思

孝記略嘉興故以一縣麗郡而舉郡百雉以內官寺林立廡積如坻皆縣所自有泊宣德中析置秀水由是嘉興僅若僑署而二倉以名存置不問者幾二百年所丁酉秋毘陵鄭君來合嘉興以為郡不七十里而濬海一且烽舉則荷戈持餉出關城下其或地財耗斃饑民粟袂踵相就食乃會不京困之計其何以稱謹蓋藏挾其食而使民無不繫於上也方度可以倉而未得者頃之會有貴家故侵浮屠地方及里魁奸田誅其逆賦足以止而經費者上之中丞劉公直指方公下其議藩參湯公兵憲劉公郡守張公咸以為稽故實謀將然政無此最亟也君既得請遂量功命日乘民畢務而戒之曰縣無其倉而有之自今日始假台豐牆峭趾財散木而丹澤之則等之無倉耳其必築不負防財不負棖棟飭甃瓦墁不負堵而蔽也為約因選良擇堅度司此藝眾技

嘉興府志

卷二十五

倉儲

九

畢奏登登四閩君復夙宵遄往勞勤昂情不載旬五而積用告成凡為廳事三楹左右翼為社學夾階東向曰預備西向日濟眾連櫺而厥間各有八周墉環合門屏楊立右控佛寺前帶通莊約佔地四畝四分零揆費二百三十五兩有奇是豈惟風雨攸除不侵豆區之數有備存救而已哉將使覩是倉者士大夫當思既已樹業公家宜合一鄉之人陰將芟其所賴何至翦割桑門以遺口實問右素封當思擅有地方莫非王土安可嫁其惟正之供為奸觸大罪而使敗 新纂 警凶愆與此倉共垂不壞也 雍正六年添建厥六間

預備倉 在通越門內 浙江通志 鳳池坊明洪武初建儲粟備

賑嘉靖五年知縣龍欽修 明趙漢記略 吾嘉為附邵劇

百步許創自洪武初久而敝歲輸於官者往往為風雨侵剝蠹耗日滋茶陵龍侯以進士合嘉祥天子賢之改命來嘉下車視之歎曰倉以儲粟粟以賑貧倉敝粟朽民何賴焉遂鳩工聚財以時興作圯者起之壞者葺之



缺者補之散者合之舊者新之堂曰廣儲堂之兩旁為左右廡聯者六堅墉重扉規制周密經始於暮秋落成於仲冬十年知縣黃訓重修黃訓記略倉名預備備民無冬罪者罰之也縣故有倉二至則敞矣乃申府次山公曰二之敞曷一之固曰可乃簡民之有行義者陳讓事事為堂於西三間堂南為室堂前為道道中為亭亭前為門東向門北之東為祠祠倉神間皆如堂為倉於南北間各九席焉以板牆焉以磚年加之瓦可數百年費金十斤始予以紙薪錢倡七年以下斗級助焉成之工合季冬及仲夏而倉之制備

國朝屢為葺治雍正五年添造倉廩二間每間貯穀五百石

七年知縣戈鳴岐添建廩一十四間八年添建一十六

間浙江通志乾隆三年添建廩五間新纂

社倉 在東津鄉約所明萬歷二十四年知縣陳儒建劉志

嘉興府志 卷二十五 倉儲 十

今在春波門外東塔寺大殿傍

國朝乾隆三十三年知縣王士澣勘基率社長動支公捐倉

費建廩十間官廳一間收儲社穀今實貯穀四千七百

八十五石零新纂

便民倉 舊在澄海門外鴛鴦湖傍趙圖記嘉靖三十三年

燬於倭遷西城內四十年知縣何源以鳳池坊預備濟

眾二倉址改建嘉興縣便民倉浙江通志中曰經賦堂倉廩

二十八聯計三百八十一間有利濟侯祠前儀門大門

榜曰國儲嘉興湯志明錢邦彥新建便民倉碑記略

倉廩以儲國用而民有所歉亦於是乎取給也及其大弊倉廩之蓄遂藐然與民無復相關其遇凶荒水旱民



雖葦相枕藉上無賑貸之令良有司亦不敢發升合以拯其下嗚呼倉廩之設豈固如是哉浙嘉邑便民倉昔建南關外五龍橋以近水次士民輸納亦便矣邇來倭寇焚燬有司遷入西城內暫為積貯之地垣墉卑薄輒復坍塌每遇徵期糧人自為修飾不過為目前計耳其雨溼地蒸沓爛敝壞者有不暇顧心泉何侯臨倉閱視體知民瘼心切改圖仍將預備濟眾二倉基址擇四十年七月十三日建立倉廩一百五十九間前有首門內轉為儀門為前堂為腰堂為後堂廩之分其列也有二十八宿之名其號之定編也有天地元黃之序整齊嚴肅無相紊亂其規制可謂盡善矣抑且不取民膏不傷民力工成不日而煥然一新若非應變之才兼收並濟曷克臻此蓋東南實財賦之區而嘉興係七邑之首幸遇侯經畫綜理斯民不苦於妄費而國賦賴以不缺侯真於民也

萬曆三十八年知縣陸獻明重修

國朝順治八年重修康熙二十年知縣何鉅再修建官廳後房嘉興乾隆三年添建廩一十三間七年添建十間新纂

嘉興府志 卷二十五 倉儲 十一

秀水縣

常平倉四所 一在陡門 一在濮院 一在王江涇 今俱一

在新城 浙江通志 萬曆二十三年知縣李培建 秀水李培建志 今實貯

穀五萬四千五百二十三石零 新纂 明吳宏濟記略

則盡趨市糶糶者多則糶者少而價日卑而民不得不糶者苦於無錢也於是乎農病歲凶粟寡則盡趨市糶

糶也於是乎民病當此之時能使不傷農不害民豈非粟也於父母之所當惻然動心者哉嘉靖辛酉陰靈肆虐

為民父母之旱魃陸梁歲貢莫入道殣相望借有旱計儲萬歷戊子旱魃陸梁歲貢莫入道殣相望借有旱計儲

精之術給彼升斗何渠至是高皇帝建預備倉實倣常平遺意第患無良有司奉行自邑大夫李君奉檄各郡

邑建立常平倉以備凶年主糶乃遍觀一邑之中設倉凡四循邑以北幾二十七里而遙為王江涇於姑蘇

當走集其人十農三賈十九苦澇禾乃受之饑以其闕設少麥視高原所入差倍甚澇傷禾乃受之饑以其闕設



厥倉中市而立凡為儀門一傍耳房各一夾道東西厥  
 十有四為堂廡三夾堂廡為社弟子學各一其東西隣  
 比邱尼氏莊氏南及畝澮北抵市河縱橫度可盈三百  
 尋還至於邑西南行三十里而近為新城於茗溪當走  
 集其人十農四賈中分苦旱澇其田宜麥禾多桑視衍  
 沃所入差儉甚旱澇傷麥禾乃受之饑其厥倉中市臨  
 宮道而立前為儀門傍耳房各一中為堂廡三傍為社  
 弟子學各一其後帶為廡十有三夾兩傍為廡各一其  
 東西隣及於北為章氏呂氏陳氏南抵官道縱橫度可  
 百八十餘尋循新城南行越陡門十里而遙為濮院於  
 桐鄉當走集其人十農三賈十九苦旱十一苦澇其田  
 宜麥禾多樹桑兼菽視原沃所入其儉倍差中旱傷麥  
 禾乃受之饑其厥倉中市而立凡為儀門若耳房若堂  
 廡若社弟子學若連廡房大抵皆如王江涇之數其東  
 西隣及於南為吳氏殷氏沈氏北抵畝澮縱橫度可盈  
 五百尋循濮院而還五六里為陡門於虎林當走集其  
 人十農一賈十七苦旱十三苦澇其田宜麥禾多樹桑  
 兼菽視原沃所入其儉倍甚旱傷麥禾乃受之饑其  
 厥倉中市臨官塘而立門廡社廡視濮院其東隣及於  
 西北為趙氏朱氏南抵官塘縱橫度可盈五百餘尋歲

崇真倉

在縣西北二十七里

浙江通志

計廡六間

秀水李志今廢

花園倉

在報忠坊

浙江通志

縣西南二百步計廡一十五間

秀水李志

案與嘉興花園倉異又秀水任志載有寶  
 花倉在范蠡湖即今南倉云寶花蓋誤為舊府倉趙圖

記最

乾隆二十三年添建廡二十間三十九年添建二



十間新纂

預備倉 在縣東北三百步天寧寺東偏

舊在治西南三百步明刑部郎

劉廣衡諭輸得穀米三萬七千四百餘石構四倉總二十五楹

國朝雍正七年添建倉廩一十八間八年添建一十六間

浙江

通志 案即今西倉以對橋東便民倉稱又任志云知縣鄭振先建蓋誤為嘉興預備濟眾倉鄭亦未嘗知秀邑吳志以預備倉在金明寺西則有花園倉存亦誤

義倉 在復禮鄉明陸光祖建

浙江通志 明馮夢禎記秀水舊無義倉至隆慶年

始有他郡亦無義倉惟復禮鄉三十都獨有蓋始五臺陸公少時甥館於斯睹其地瀕湖蕩水比為災民多貧徙賦復繁重慨然思所以恤之而仕版早登數歷靡暇後以太常卿謝歸復游其地則民之困窮且增劇矣心益加惻焉輒命捐田三百餘畝并米數百餘石貯之東禪寺建為義倉春放冬收以給民耕種歲稔量蠲之餘

嘉興府志

卷二十五

倉儲

三

而瞻里役表賢逸蜡祭賽神餘而治徒枉葺祠宇以教民孝敬禮讓能自給者不得與科條纖悉定為式以垂諸永久嗣君比部員外郎基忠前府參軍基恕同心繼迹續增田至五百餘畝米八百餘斛所貸始於都之內漸及於都之外鄉之民遂安居樂業孝弟力田曩時流離轉徙之苦如距斯脫而禮讓漸興盜稀訟息此所謂阜民善俗之明效大驗至章著矣竊惟天下事不難創始而難主守主計一不當彼且為窟穴為徑竇不者為具文為故事而苟簡應之法即良且日皆窳民竟安所賴哉五臺始事時疇咨其鄉之父老耄俊得張君守約而掌之張君兢兢慎飭主之二十年法無害兩日忽告於五臺而謝其事眾乃推太學陶君九文陶君重方命乃受訖君固以精勤起家而治倉事尤謹秉公持正以計出納而程贏縮諸所支畱取予悉案故所條定行之又念惠生而遺於惠死乃復捐田出助為亡者之需蓋澤及泉壤矣夫一鄉者四方之標也標建則人競趨斯是倉法豈僅僅行於復禮一鄉已哉將天下以為標也余敢為復禮鄉之民慶又庶幾行之於四方以為四方之民慶

是為記



社倉 在北營之南鄉約所明萬歷二十七年知縣鄧漢

建劉志今寄貯預備等倉社米二千三百五十八石零又

穀五斗零新纂

便民倉 在縣東北望吳門內浙江通志明宣德十年巡撫成

均建宏治十三年知縣譚溥重修

國朝額設厰二百三十五楹康熙十年實額貯漕二百六楹

其二十九楹修貯白糧趙圖記參吳志

嘉善縣

常平倉四所 明知縣章士雅創浙江通志萬歷二十四年一

建在風涇鎮一在干家窰鎮一在王帶鎮一在斜塘鎮

嘉興府志 卷二十五 倉儲

俱倉廳左右為社學嘉善章志章士雅議預備倉穀

十萬餘貧乏者多一遇凶歲穀何以支今設常平倉四

實占社倉之遺規救荒之上策也但一時穀本難以充

實擬將槩縣戶田每畝徵穀二合吾邑田六十萬畝履

畝而稅可得穀一千二百畝出二合人必樂從仍著見

年收管至次年春耕時里中有肯具領貸出者呈官准

領取保給之至冬照數收入則歲有貯積不必復派於

民而他日計本里之所入為本里饑荒之資年愈久而

穀愈多民不擾而惠易徧亦上下兼利之術也今在鄉

四倉設有社學本縣逃田甚多宜各擇其相近者二十  
餘畝給社師為束脩之費在鎮七學亦依此例行之夫  
常平繼預備而兼行則黔黎蒙賦窮之惠社學次儒學  
而並列則譽髦沾樂育之恩矣又何教養之不隆而士  
習民生之今實貯穀五萬四千九十石零新纂

廣濟倉 在縣治西北浙江通志二十四里遷五申區趙圖記

太平倉 在縣治西一里浙江通志五十步華亭塘南正統中



廷趙圖

預備倉 在太平倉右浙江通志明正統六年知縣李遜建北門

向西隣便民倉舊為濟農倉案嘉善倪志云即太平倉亦沿俗呼也刑部郎劉廣衡諭輸得穀一萬四千七百

三十石構四倉嘉善章志崇禎八年知縣李陳玉以積穀無多倡輸為勸邑人陳龍

正捐銀三百餘積米千石出入之籍紳士司之見聞偶

陳玉儲糶記略武塘居三吳之僻其民無魚鹽商賈之利所事耕織亦無蠶桑畜牧之饒其圩田當嘉秀下流

即不幸而有水滂之愆有告饑云耳且當七邑之中賦獨重役獨繁余初至庭下訟者百人三之一鳩形鵠面

問之皆往時北運斗級不終歲而家已破厨無煙也心甚惻之已而循行城郭或問晨起燈光猶在市壁見諸

老婦亦多稚子紗未成布攜來市易則竊歎此土之民謀生亦感已蓋四方徒知嘉邑不貧而不知舒徐容與

嘉興府志

卷二十五

倉儲

五

止此衣冠之族城郭之間其餘曠叟鷗民固可長太息耳夫儲積者治之大命也無事可以養民力有事可以安民心民力養不但可以禦亂故自王制通三十年外孰有但可以弭亂且可以禦亂故自王制通三十年外孰有善於常平社倉者哉今二麥不登三旬淋雨價翔開市煙絕寒村淮南之波日警江東之雲易興此亦仁人端居深念時矣願自令始捐俸為倡一令不能濟十人而十人以及百百人以及千層推迭轉億萬何窮但使有心人皆權其聚少成多之策推陳易新之方固當聽之賢士大夫而不當問之官也問之官則胥吏得以操縱乾沒雖有良法不十年而必敗惟一聽之賢士大夫則法之所窮意復通之意之所窮法復生焉此余所謂鄉約社倉相待而舉也固深有望於仁人代為修明也

國朝雍正五年添建倉八間每間貯穀五百石知縣部七年

添建一十八間八年添建一十六間浙江通志乾隆三十二

年知縣董鈞領帑改建廩房二十間官廳寢屋五間預案



備倉久改爲汎防公署  
今附便民倉中 新纂

社倉 舊在思賢書院各鄉約所明萬歷二十七年知縣

余心純建 劉志 今在慈雲寺

國朝乾隆三十二年奉文勸捐社穀隨輸建倉銀構廩七間

今實貯穀五千七百九十八石零又米三百八十八石

零新纂

便民倉 在縣西南一里許 浙江通志 明宣德間巡撫成均建

府城內正統中以德清教諭戴暉奏移於此成化二十

一年知縣汪貴撤新之 柳志 嘉靖中倭燬三十五年知縣

王察言重建四十一年知縣周案令各里東西分建廩

嘉興府志 卷二十五 倉儲

房萬歷二十一年知縣章士雅重建 嘉善章志 明盛

法始於歲終百穀告成起運屆期當道分遣戍守諸軍

董以武員責以芻輓輸粟至京師特羽林綠邊士卒百

萬故往往韋弁之艇未齊而有司者乃積乃倉以待矣

第邑舊有倉不分區圖民得雜貯之圯壞吏胥緣而爲

奸豪橫緣而乾沒主計者憂之嘉靖間邑令周公設法

更造規制猶未備也且法日益玩輸納日益遲民間無

粟或出金錢與軍軍亦樂受金錢爲侵漁計豪猾之子

多出納於私家間有奉法輪粟舟載斗量以俟者亦緣

官廩傾頽往往爲風雨鳥鼠所耗蝕而小民若不知有  
倉矣姑蘇陽東章侯甫下車仍邑饑饉後家嚙而人咻  
之稍稍帖席卽痛懲前弊至倉周視見垣舍陵夷慨然  
計再造而費無所出欲請之監司則公無羨帑欲任之  
巨室則野無餘財於是召諸父老問之僉曰噫是公私  
兩便軍民咸利者烏惜費請計里出銀建之侯曰善是  
不可繁繁民不堪也是不可偏偏民不樂也遂命相地  
定基計丈尺揣高低區分圖別編字號每區一帶每圖  
二間東西對峙井然有條惟均惟輕民樂趨事上不費  
公帑下不煩巨室朝下合而夕赴上不踰月竣事矣由



是里各有倉倉各完固儲粟於斯可以待運親臨於斯  
可以防奸案驗於斯可以稽出納恢昔賢未備之制貽  
百世永賴之澤  
侯之功豈尠哉

國朝康熙十年知縣莫大勳重建

吳志 案魏塘政略共建三百四十間分左右翼各

十七號每號十版以楹聯一粒悉屬民膏親千倉萬箱  
當惜辛勤物力五斗漫叨國俸念三農九府敢淪清白  
臣心三十四字分版其清白臣心四十間專貯白糧又  
置碓房三十九間地白二百七十副圍墻夾道規制內  
外咸宜民  
皆稱便  
雍正七年知縣邵煜重建碓坊置地曰中爲

官廳九年知縣楊繩祖重建大倉廳設柵欄

嘉善 戈志

海鹽縣

常平倉四所 一歟城一澉浦一茶院一白馬廟鎮萬歷

二十四年知縣李當泰建天啟元年知縣樊維城重建

嘉興府志

卷二十五

倉儲

七

海鹽圖經 明胡震亨記略常平助於漢其法時穀價  
爲糶糶未聞有所謂假貸也假貸焉而受息以備賑自  
唐若宋之義社倉始夫糶於所有餘價不益平矣糶於  
所不足價不減平矣既平矣安所不得穀而藉假貸爲  
有假貸且無論有勒保有追償有賠收卽安然食土贏  
靡後苦也亦縣不過數家家不過數口止爾利之者狹  
不獲利者固甚奢矣何如以出納之權操物情之輕重  
用低昂之術調民生之縮盈者乎今天下郡邑所在有  
常平倉惜有司者以義社倉法雜施之夫不虞之蓄先  
冒於丐請之民則何以待市價和買之資并盡於倚閣  
之日更無以存糶本雀鼠未爲耗下吾廩之枵如矣此  
非古法不可行行常平者不純以常平行常平則有不  
可行也何幸得之我樊侯重軫夫歲之不行民之不易  
爲余鹽倉政計長久也眠倉之遺址頽構明然興慨爲  
捐月俸鳩工治之又爲發贖緩市粟貯之且盡準於常  
平之增價糶減價糶無輕假貸者之舊不敢以義社倉  
法雜焉蓋行之初年碩計千而贏期倍之又期三四倍  
之陳因積市易通農末裕穰穰浩浩穀價之平民固以  
食其利矣 樊維城白馬廟常平倉記略常平之設以  
禦民災民散處而重遷至於災且菜色蛇形安能負米



數千里外穀帶芒甲杵簸尤艱故至民需倉廩而發之者猶聽其自來必不得之數也每觀饑饉代有而哀矜全活者十不一二安可盡委天行與救荒無策哉某奉檄來鹽官值春潦驟降訛言歲歉米價踊貴民食不飽執事詔之發粟庾開而遠民不稱便由是益信祖制之不可更而亟欲復之也詢乎故老更置多年以修葺不敷檢閱難遍移在近地合為一區其於防奸誠苦心也奈惠民之意何其三半毀惟白馬廟則已墟矣乃捐俸庀材鳩工而新之而月而告竣凡為費百二十兩為居再重為厥六間前門外屏中廳旁社一如其舊每至秋成糴遺秉以實之贖緩之餘者亦以入焉民之樂輸者亦以入焉庶乎舊制之漸復矣今實貯穀

五萬三千五百七十三石零新纂

際畱倉 明預備倉在元名為際畱倉云海鹽圖經案在武原鄉廣陳

鎮明析入平湖見柳志詳後

廣儲倉 在縣西浙江通志安仁橋南以儲海寧衛軍糧明洪

嘉興府志 卷二十五 倉儲 六

武十九年指揮周鑑建海鹽仇志案圖經宋常平庫在縣丞廳傍常平倉附於省倉

省倉址即廣儲倉地也又柳志作常盈倉正統元年改屬有司除授大使則改常盈為廣儲當在設官給記時也

常積一倉 在澈浦城西門內柳志以儲澈浦所軍糧明洪

武二十二年千戶孫信建於東門三十年千戶朱貞遷

建海鹽圖經

常積二倉 在乍浦城趙圖北門以儲乍浦所軍糧明洪

武二十九年千戶許貞建海鹽仇志案圖經三倉初並衛職領之正統二年隸縣

設大使各給以記曰海鹽縣廣儲庫記曰海鹽縣常積一倉記曰海鹽縣常積二倉記並有副使後汰

開濟倉 在縣西北浙江通志去治十里袁志開濟鄉二都海鹽圖經



預備倉 在縣治西浙江通志百二十步吳明洪武二十三年

建圖經云在南水門內為廩十有四楹

國朝雍正五年添建倉廩九間每間貯穀五百石七年添建

一十六間八年添建一十六間浙江通志

社倉 在鄉約所明萬歷二十七年知縣李當泰建今廢

國朝乾隆二十四年知縣王寅設社長勸民出粟附貯常平

倉東廂今實貯穀三千七十七石零又米五百三十石

零新纂

便民倉 在西關一里趙圖記明正統六年設縣郊外嘉靖

三十三年知縣鄭茂移建西門內浙江通志虎尾浜民地并

嘉興府志 卷二十五 倉儲 九

裁廣儲倉隙地為之明鍾梁記略鄭侯度西關內廣福

尾浜南北皆官河東接廣儲倉泉脉縈紆地勢豐厚前

造一橋立大門三間二門三間左右倉廩各七十五間

前後有堂息爨有所典核書算亦有處周遭疊石重垣

足凌風雨旁各一小門俾輸納紛至者無稽畱焉經始

於甲寅八月落成於十一月財取於羨餘力役於糧始

里築度氣勢視昔有加董其事者少尹朱君光裕也萬

歷三十七年知縣喬拱璧增修糧里為廩一百六十一

楹廳事後堂門樓鄭令所建周垣夾道並始喬令海鹽圖經

輸郡不便始奏建便民倉於西郊合各就縣輸納至嘉  
靖癸丑甲寅倭夷入寇郭廡并刦焚始盡而倉卒歸  
然獨存時莆田鄭侯茂宰邑以終非便利度地於西城  
內其方隅向背營繕時日語在斗先大父南昌府君記  
中歷今五十餘禩積漸摧圯不堪塗墍屢議更新因難  
其事不果戊申春夏之交霪霖肆虐蕩瓦漂椽夷為平  
土當是時喬侯下車甫浹月邁茲異災蒿目焦心方虞



單赤孳孳之不暇安問輸將且謀積貯也力請蠲卹於上報可鹽是以獲免漕兌明年大稔乃以里分百六十一為楹如干楹以里計十楹為停繚以修廓四停為列左右各南北向峙崇庫深廣丈尺齊一其門塾堂廡病此窳者則以次第易矣益棟周遭石垣延亘加完壯焉分地授工通力並作閱月事竣父老子弟摩肩輸納歎未曾覩是役也費中金千六百有奇然上不損縣官之帑下不罷百姓之力惟是因財於眾獻因力於眾趨下忘其庸上因其說夫是以不動聲色而建此利民之舉以垂永久

平湖縣

常平倉四所

明萬曆中建

浙江通志

一在徐婆橋一在廣陳

鎮一在新帶一在乍浦二十四年知縣吳文英分建

劉志

案平湖程志作黃焰

三廢止存西門外徐婆橋一所

平湖朱志案實在

西倉橋西

嘉興府志

卷二十五

倉儲

三

國朝康熙十八年知縣張鳴遠重修乾隆三年知縣王之琪

添建廩一十間六年知縣董懿添建廩房一十間其廩

三十三間

平湖王志

今實貯穀六萬三百六十六石零

新纂

預備倉 在縣東半里 浙江通志 明正統六年刑部員外郎劉

廣衡等建

柳志

國朝雍正五年添建倉廩九間每間貯穀五百石七年添建

一十五間八年添建一十六間

浙江通志

廣陳預備倉 在縣東北二十七里武原鄉廣陳鎮元為

際畱倉明洪武二十三年改名重建

柳志

常積二倉

詳海鹽倉下 案析縣後倉大使隸海鹽地屬平邑今裁



俸給倉 在縣內明宏治四年知縣林竒建柳志 案浙江通志云在

學內 誤

儒學倉 在明倫堂東南明成化間知縣郝文傑建柳志

義米倉 在學宮浙江通志儀門內左明嘉靖三十九年知縣

陳一謙建平湖程志 案儒學倉儲俸廩義米倉儲學田義租

永備倉 在乍浦東門內滿洲教場西乾隆六年知縣董

懿建廩房三十二間倉廳重門平湖張志

社倉 在德藏寺等鄉約所明萬歷二十八年知縣林夢

琦建劉志

國朝乾隆二十二年巡撫楊廷璋檄知縣李納璧建凡五所

嘉興府志 卷二十五 倉儲 三

一在治南南寺廩房一十一間一在乍浦西門內廩房

一十間一在新倉鎮南廩房四間一在新帶西市廩房

四間一在清蓮寺廩房三間平湖王志今實貯穀三千一百

一十石零又米四千九百八石零新纂

便民倉 舊在縣西一里臨水次後改建於北城之內江浙

通志明宣德間巡撫成均初構府城中正統間德清教諭

戴暉奏移縣西即西林寺故址成化中縣丞梅清田仁相繼營

建柳志倉前有南薰亭趙圖記嘉靖三十四年倭警知縣

劉存義改置北城廩房八十七間袁志參平湖程志

國朝康熙十年知縣陳孚宸重建廩房一百八間平湖朱志十八



年署知縣朱祥麟重修平湖高志陸萊為記雍正四年知縣楊克

慧添建四十間乾隆三年知縣王之琪添建一十間七

年知縣高國楹添建三十三間三十三年知縣周昭仔

添建九間平湖高志參張志五十年知縣王恒捐俸四千餘金

重修大廩一百八間小廩一百二間白糧確坊一十間

出串驗串所各一間平湖王志倉自明嘉靖乙卯越戊午歲又為

增置這我朝康熙己未茗溪少尹朱祥麟來署是邑

嘗重建倉廳閱今已九十餘年未有從而葺治之者余

於乾隆乙巳自慶元量移茲上下車始閱視倉廩凡牆

字棟柱堂階廊廡之屬皆岌岌欲倒謀重修之計工非

六七月可成非數千金不辦因漕期既屆未便遽議新

修乃稍加墾勸則處以堅木支之幸告無恙得歲事

丙午夏余念貢賦重地工程雖鉅烏可聽其隳壞爰勉

力籌畫罄所積俸廉鳩工庀材自頭門及左右倉房百

嘉興府志

卷二十五

倉儲

圭

有餘間并廳事內屋土穀神祠概為修理煥然一新始  
七月上澣迄九月下澣落成糜銀四千餘兩土木鬆漆  
雜作等工凡六千三百有奇自茲以後可無傾圮之患  
蓋朝廷之所重在農而農之所尊在貢賦元納總納  
種必鄭重保護以俟衛所輸輓雖儲儲不過數十日若  
風雨漂搖紅朽有患豈所以重賦稅而尊朝廷哉

石門縣 廣盈倉 卽常平倉康熙十一年建浙江通志一在縣儀門外

雍正五年請建廩一十五間在西北隅七年請建廩一十四

間在西南隅乾隆三年添建一十間五年添建一十間二十

三年添建五十四間俱西一在白糧倉廳後雍正七年

請建四間一在縣汎防廳頭門內乾隆十八年請建一

十六間一在崇福寺山門內乾隆三十二年奉文建二



十間今實貯穀五萬二千二百九十七石零新纂

常平倉四所 明萬歷二十四年知縣薛近堯建一在官

村鎮稱南常平倉今廢一在石門鎮亦稱北常平倉今廢一在環橋演教寺東

為東常平倉一劉志未載縣志云西常平倉有基

縣倉至元志列崇德縣下案崇德縣志云宋元曰常平

年以和糴糧及諸路倉撥糧貯焉續文獻通考

云至元元年立常平倉則是倉即元之常平耶

崇盈倉 在縣薰仁門南明正統間創向東廩屋八間向

南廩屋八間柳志案新志在永豐倉側嘉靖後屢改

預備倉 在永豐倉側浙江通志明嘉靖四十二年知縣陳憲

改於崇義橋萬歷十七年知縣王述古移就察院行臺

嘉興府志 卷二十五 倉儲

基三十七年知縣靳一派重建於布政分司舊址廩房

東西共一十間中為官廳前儀門前倉門崇德縣志

崇邑倉舊在崇義橋北城東隅地勢稍窪下歷商羊肥

蠶相繼為虐四壁頽然今上巳丑觀風行臺殿前合禹

州王公撤倉之屋新之於堂之東西廂構楹各六困其

粟此亦一時權宜之計耳夫直指使者所至問俗觀風

澄清為急何當一問錢穀藉合典發饒德倡籌鼓揚適

繡衣持節之使嚴然迂臨亡論體貌爽甚即與阜與賦

長混抑何以慎稽察是行臺倉庾名焉合實兩相碍也

且歲久就圯不佞謀欲更置之初值巨浸未遑越兩期

而民有起色於是案分藩故址久為墟莽者廩土燥剛

堪以積貯縣二十里東故有常平倉向來虛設為遷其

材鳩工而飭備焉戒事於二月二日落成於四月朔日

今而後行臺倉庾各有專所庶其兩不相碍乎蓋郡國

不幸而有行臺倉庾各有專所庶其兩不相碍乎蓋郡國

急轉漕常平終鮮繼母粟百里之民所寄凶荒旦夕之

命獨斯預備一倉耳斯倉也成安得紅腐之積陳陳相

因如所謂三年九年之餘也者則泄事者得無兢兢於



先事有備也哉

國朝康熙十一年知縣杜森重建

吳志云在白糧倉前

雍正五年添建

倉廩一十一間每間儲穀三百五十石七年添建一十

八間八年添建一十六間

浙江通志

社倉 在城隍廟等鄉約所明萬歷二十八年知縣陳允

堅建

劉志

今實貯崇福寺等三倉穀五千一百二十石零

新纂

便民倉 初建南門外後遷於城內學河之南

浙江通志

宋曰

永豐在縣治東明洪武六年知縣田慶元改建嘉靖三

十二年倭警時知縣崔近思移於城萬歷二十六年知

嘉興府志

卷二十五

十四

縣陳允堅修葺三十八年知縣靳一派增修

崇德靳志

國朝康熙十一年知縣杜森重建

袁志自為記

廩房一百六十四

間配里儲糧

石門廊志

佟康年建漕白二倉記略嘉

千五百餘石白糧六千四百餘石舊倉久已棟折壞崩

湫隘不堪重貯相率沿襲弗遑修舉一杜侯能相其

機宜奮然思所以改作之於是計所為木土之費若何

所為工用之需若何進諸紳士耆老於庭互相商權爰

經始於壬子年之七月遂於九月望後告厥成功謂非

百世之利與明謫丞齊之鸞題便民倉壁詩計籍停

披散客襟午風春茗小堂深霏煙近水添花潤乳鵲噴  
晴度柏陰歲稔有民輸白粲官清無吏索黃金折腰受  
事波波地慚愧  
當年瑣闥心

白糧倉 在縣東南運河左七十步即布政分司舊址

石門

廊預備倉之後



國朝康熙十一年知縣杜森建與漕倉並吳志廩房一十七間

白房五間新纂杜森記略月令孟冬命有司修困倉謹蓋藏昭吏職也況白糧倉廩上供玉粒人

臣罔敢屑越以從石邑歲賦白糧六千四百有奇舊無

專倉寄貯邑令祠內且窄甚不能多容有船已艤集而

零負升斗以交水次者屑越殊甚余初蒞斯土亟謀所

以新之會漕倉告圯邑之鄉大夫偕矜耆定為按畝助

錢之議俾人人得好義急公白倉以是為差斯即莫不

尊親之義也余因眾議僉同上狀當事咸報曰可迺即

祠基而規畫焉爰召工師爰選徒旅越兩月而告竣瞻

視聯厥環顧垣墻規模遠大匪糾匪紆罔敢屑越矣

嘉興府志

卷二十五 倉儲

三

清河義倉 在治西四十步趙圖濯清街南隅明正統六

年刑部郎劉廣衡桐鄉徐志率知縣田玉建袁志明劉廣

一萬一千九百石構倉十楹久廢今存遺址乾隆四十年知縣潘安

智改建常平倉廩房一十八間中為官廳前大門今實

貯穀五萬三千四百二十五石零新纂

常平倉四所 一在東門外一在阜林鎮一在屠甸市鎮

一在密印寺明萬歷二十四年知縣陸枝建劉志

俸給倉 在縣儀門西向北廩三桐鄉徐志

俸廩倉 在儒學居仁齋後明宏治十年建廩三間桐鄉徐志

預備倉 在煥文街浙江通志明天順初知縣張泰建趙圖記

志云景泰六年泰同縣丞鄧玘建又桐鄉徐志云正統六年知縣田玉買地建後併清河義

額曰清河預備倉桐鄉徐志

國朝雍正五年添建倉廩一十五間每間貯穀三百二十石



七年改建小倉二十二間八年添建一十六間

浙江通志

社倉 在鄉約所明萬歷二十七年知縣謝諫建劉今改

為社穀倉凡三乾隆二十五年巡撫楊廷璋檄知縣陳

虞盛建一在縣城北門便民倉內廩房七間一在青鎮

壽聖寺一在屠甸鎮寂照寺內今實貯穀四千二百四

十石零新纂

便民倉 初在阜林鎮運河之南後移建於古接待院之

址浙江通志明宣德中就府城中造後亦以戴嘏奏改移景

泰五年知縣張泰縣丞鄧玘建廩三十餘間宏治八年

知縣王昊重建趙圖記參桐鄉徐志 明王華記略 鄉新造之邑百事草創征輸之日露積

嘉興府志

卷二十五

倉儲

美

野聚風雨鬱蒸沾濕朽敗逐避遷移歲無常所蓋自有  
邑而然宏治乙卯衡陽王君昊汝欽來尹茲邑乃嘆曰  
民之脂膏斂而委諸草莽又因以罷疲之其謂便民何  
遂稽隱籍得空餘之粟七十分事授役立程計績因民  
之隙均民之力十取一人歲取一日而已凡為廩六十  
有四楹中列廳治廩周其旁園以長垣守以重閣創前  
所無而民不知役不有紀錄以垂來者萬歷二十六年  
能無毀敗於後哉於是礱石以記其事

知縣謝諫改置北城內吳志設廩一百七十九間

又建坤德祠 張鳳羽記

國朝順治十年知縣張鳳羽重修略子初蒞茲桐萑苻不靖  
陰陽愆序民病於供輸胥習以訛法張旗丁之勢以市  
中飽播包攬之術以鬻乾沒是以朝廷紀綱日壞而  
上天震怒水旱盜賊之來蓋有繇矣邇來夜犬不吠嘉  
禾纍纍母乃奸人悔禍念時艱而革心歟抑民知奸蠹  
之已除修職供上息其愁怨歟予聞有捍大患立  
大功則祀之今日之化暴為良易歎為豐民不避吏擾  
吏且樂民義非明神之奉天昭賜始不及此便民倉左  
側建有祠宇乃上人之思伸祈報者不能辨所自余遂



爲民倡鳩工庀材以落其成治器延僧以理其事捐俸  
置田以綿其祀俾桐人每歲冬輸春兌之日過祠生敬  
以終勵其蠲私守公之心卽有衛所旗丁亦知  
桐人之不改初謀莫或欺之更可禦外侮矣  
康熙十  
一年後併圖歸里漸存版房一百二十間乾隆六十年

知縣李廷輝請項修建

新纂

嘉興府志卷二十五

嘉興府志

卷二十五

倉儲

七